

Ա.

Տաղ ի վերայ Հոգոյ Ասացեալ :

Ի մէջ մեղաց եմք մոլորեր .
Յաստընվորիս կու գործենք չար ,
Այլ վի դա(ստուա)ծ բարկուցաք ,
Որ սըրտին եկեր զիժար :

Զցասումն երեր ի վերայ աշխարհիս .
Ալվի կուտայ գերկիրն յիրար ,
Զինչ որ արար զՍողոմ զԳոմոր .
Քան ըզնինուէ ու այլ պեթէր :

Ի յանդընդոց գերկիր շարժեց .
Շատ շինութի(ւն) արար աւեր ,
Հանց մեծամեծ ցասումն եցոյց ,
Դեռ ի մեղաց չենք վախենար :

Այնեղընկան ամուր քաղաք .
Իսկի չունէր առնելու ճար ,
Զրոլոր պարիսպն ի շուրջ ածեց .
Զգըլուխն տարաւ ի հիմն ի վար :

Հանցեղ քակեց եւ աւերեց .
Երիս անցուց զքաղաքն ի վար ,
Անասելի մարդ կոտորեց .
Յորս էր թըլով տասըն հազար :

Շատ մի ըսպանեց մեծ խոճանին .
Այն որ ունէր ըրըստարար ,
Շատ չարագործ եւ շատ բարի .
Շատ մեղաւոր եւ շատ արդար :

Շատ հունէրպէնտ փէշաքեարներ .
Կըտրճվորաք մըտաւք ճարտար ,
Շատ մի ըսպանեց կին գեղեցիկ .
Ճոհար ոսկուն են պարապար :